

# NY VALOSOAO

Gazety miseho intelo isan-kerinandro  
(Talata - Alakamisy - Jambany) **VAOVAO**

Ahiana ny korontana any Antsiranana **6**  
Zaza tratra nangalatra, maty nisy  
nitoto tamin'ny vato ny lohany  
[www.gvalosoa.com](http://www.gvalosoa.com)  
[gvalosoa@yahoo.com](mailto:gvalosoa@yahoo.com)  
facebook : gazety valosoa rakoto


Alakamisy 20 febroary 2020 Laharana 1018 Vidiny : 400 Ar

Alrobia 26 febroary 2020 **2**

Fianakavian'i Fafah Mahaleo **5**

# Fihaonambe ho fameloma-maso ny TIM

# Nivoaka tamin'ny fahanginany



**MODE JUSTICE** **2**  
Hiaro hatramin'ny  
farany ireo fananan'  
ny Malagasy

**Famindrana tsy ara-drarin'ny** **2**  
Mitaraina ny mpampianatra  
avy any Analalava

**Ratolojanahary Maharavo** **7**  
Ataon'ny mpandraharaha tantely afa-  
drakotra ny harenan'ny faritra Sofia

**Fanjakana Saoudianina** **5**  
Nanolotra fanampiana ara-tsakafo  
2500 baoritra ho an'ny traboina

**Daka kely**  
Ho ataonareo maro loko koa  
zany ny Rova ry Boaikely a !  
**Annie Faraony** **6**  
Mivoy ny gadon-kira batrelaky



ALROBIA 26 FEBROARY 2020

# Fihaonambe ho fameloma-maso ny TIM

Antoko matanjaka eto Madagasikara ny antoko Tiako i Madagasikara (TIM) fa tsy araka ny lazain'ny sasany, fa ho faty raha vao tsy lany ben'ny tanàna ny kandida natolotry ny TIM eto Antananarivo Renivohitra. Ny alarobia 26 febroary ho avy izao eny amin'ny Andy By Pass Alasora Antananarivo Avaradrano dia hisy ny fihaonambe ho fameloma-maso ny antoko, hataon'ny birao mitantana ny Tiako i Madagasikara manomboka eny amin'ny fototra Foko-TIM, COM-TIM, DISTIM, REGTIM, ny birao politika, ny olomboafidy, ... hanomboka amin'ny 10 ora maraina .



Ny filoha nasionalin'ny antoko TIM, Marc Ravalomanana.

Natao izao araka ny fanambarana ho fanamafisana ny rafitry ny antoko isam-paritra ary fotoana hampisehoana ny sekre-

tera jeneraly vaovaon'ny antoko TIM Rina Randriamasinoro ary ireo mpiaramiasa aminy. Eo ihany koa no ampisehoana ireo

ben'ny tanàna vaovao lany tamin'ny anaran'ny antoko sy ny mpanolotsaina ny tanàna. Raha antoko mandeha samireny dia ny antoko TIM no antoko matanjaka indrindra eto Madagasikara amin'izao fotoana, satria ananany olom-boafidy avokoa ny rafitra rehetra efa nanatanterahana fifidianana teto amintsika, na nisy aza ny hosoka sy ny hala-bato nandritra ireny fifidianana samihafa efa vita ireny. Ao anatin'ny fanoharana ny antoko amin'izao fotoana ary mivonona hatrany amin'ny mety hisian'ny fifandimbasam-pahefana eto amin'ny firenena.

Helisoa

Famindran-toerana tsy ara-drariny

# Mitaraina ny mpampianatra avy any Analalava

Mitombo andro aman'alina ireo mpampianatra mitaraina ho voan'ny tsindry hazo lena eto amintsika. Niteraka resabe ny zava-nisy tao Anjiamangirina, distrikan'Antsohihy, faritra Sofia farany ireny. Akory ihany koa ny hagasana raha nifanena tamin'ny mpampianatra CEG roa avy any amin'ny Cefo Analalava, DRENETP Sofia, Faritra Sofia, izay tonga eto Antananarivo anatin'ny vanimpotoanan'ny mpampianarana izao. Ny famindran-toerana heverin'izy ireo tsy ara-drariny no mampitaraina ireto mpanabe avy any amin'ny distrikan'Analalava ireto. Isan'ny manimba tanteraka ny fam-pianarana, hoy izy ireo, ny fitsabahan'ireo mpanao politika loatra amin'ny asan'ny mpanabe, ka anaovana antso avo amin'ny Fitondrana foibe izany. "Ny dianay eto an-drenivohitra dia mangataka fanafoanana ny famindran-toerana mahazo izahay. Ireto famindran-toerana natao aminay ireto dia ny solombavambahoaka voafidy tao Analalava, Djaosera Irénée, no ambadik'izany. Miady tany izahay sy Depiote Djaosera ao Befotaka Avaratra. Ny rahalahiny moa no atosiny hiady io tany io amiko, fa izy dia eo akaiky eo an'ny. Tsy nahazo ny rariny tamin'ny fitsarana ry zareo tamin'io ady io ary efa nahazoako 'grosse' izany, ka tezitra tamiko mafy ny Depiote, satria nangatrahako onitra. Nampiakatra ny ady ry zareo. Nahazo famindran-toerana any Ikalamavony, Fianarantsoa aho, taorian'io mba tsy ahafahako miatrika ny ady manaraka, satria ny reniko efa antitra, ka izaho no misolotena azy. Afindra any lavitra any laho amin'izay tsy afaka miaro ny taniko. Ary ankatok'izao andro asara izao no nitrangan'izany famindran-toerana izany. Tena tsy rariny!", hoy i Randrian'ny Tsiry, mpampianatra CEG Antsiradrano, Cisco Analalava, nahazo famindran-toerana any Ikalamavony ity, mandritra ny vanim-potoana fianarana izao. Nanamafy ihany koa ny Talen'ny CEG Analalava,



Ireo mpampianatra mirahalany avy any Analalava.

Ravelomiarinjara Romel nafindra any Beloha Androy: "Izahay moa noho ny fomba fijery tsy mitovy amin'ny Depiote voafidy tato amin'ny Distrikan'Analalava dia nafindra toerana avy tao Befotaka Avaratra ny tenako ka nalefa tao Analalava, tsy ampy iray taona anefa izany mbola tsy afapo ny Depiote, ka izao nafindra any Beloha Androy indray! Efa tsy rariny intsony... Ka manao antso avo eto amin'ity famindran-toerana tsy rariny miendrika tsindry hazo lena mahavao ny mpampianatra ity. Mitaraina amin'ny Filohampirenena sy amin'ny Lehiben'ny Governemanta, ary amin'ny minisitry ny fampianarana izahay mba hamoanana izany famindran-toerana tsy rariny izany!", hoy indray i Ravelomiarinjara Romel, Talen'ny CEG Analalava teo aloha ity. Niezaka nifandray tamin'ny Depiote Djaosera Irénée tamin'alalan'ny antso antelefaonina izahay manoloana ireo olana mianjady amin'ny mpampianatra avy ao amin'ny Distrika nahavoafidy azy ireo, fa mbola tsy nahazo azy. "Ny tiako hifampiresahana aminareo, ny famindran-toerana ny mpisampianajakana dia tsy misy idiran'ny soloambavambahoaka. Ny asany Depiote dia tsotra, mi-haino ny vahoaka, mamorona lalàna anatsarana ny fianambahoaka, sy ny manaramaso ny asan'ny mpanatanteraka manomboka amin'ny Gouverne-

manta hatrany amin'ny rantsamangaika. Raha misy mibirioka ireo dia anajarany ny miteny sy ny manara-maso ny asan'izy ireo, ... Izay no asan'ny Depiote, raha misy ankoatr'izay dia tsy idiran'ny Depiote. Raha mahakasika ny mpampianatra lazainareo izany, hoy ny depiote rehefa namely izao olana izao

Mode Justice

# Hiaro hatramin'ny farany ireo fananan'ny Malagasy

Efa nilaza hatrany ny Monde Justice, fikambanana mijoro eto Madagasikara, sy any ampitan-dranomasina, fa hiaro ny fananan'ny Malagasy, izay bodoin'ny vahiny izy ireo, na eto an-toerana io, na any ivelany. Nisy omaly ny fihaonan'ny mpikambana Monde Justice eto Madagasikara tamin'ny mpanao gazety tao amin'ny SOLIMOTEL Anosy, ka lahadinika tamin'izany ny resaka Nosy manodidina fananan'ny Malagasy, izay bodoin'ny Frantsay sy ny resaka Ambohitrimanjaka. Manoloana ny filazan'ny filoha Frantsay, fa hatao valanjavaboaharim-pirenena fananan'ny Frantsay ny Nosy GLORIEUSES dia miantso ny filoha Andry Rajoelina hanatanteraka

izy dia mety manana olana amiko ilay olona. Mety olona tsy fantatro akory izy, ka raha manana olana amiko dia mety olana ara-politika na halako bika tsy tiako tarehy, fa matoa mbola voafidy aho dia mamimbahoaka sy nanao zavatra tsara, hoy ity depiote ity. Ka tsy hitako inona no ifandraisan'ny Depiote amin'ny famindran-toerana ny mpisampianajakana. Tsy andraikitra ny Depiote izany. Ary raha manana olana olana ara-politika amiko izy, izaho mino fa ny mpampianatra tsy manao politika, tsy anjarany izany fa ny mpampianatra no tokony hataon'ny mpampianatra fa tsy manao politika", hoy indrindra ny fanazavana noent'ny Depiote Djaosera Irénée, tamin'ny fanazavany. Ny vy tsy mikitrana irery, ka heverina fa hojeren'ny tompon'andraikitra izao famindran-toerana tsy aradrariny misy any Analalava izao.

Niaina

## Ny Valosoa sy fakafaka

### Aoka hazava ny fitandroana ny kolontsaina Malagasy

Ny Malagasy sarotiny amin'ny kolontsainy no lazaina fa Malagasy miorim-paka. Tsy eken'ny sainy velively ny fampifangaroana ny kolontsainy na ny soatoaviny amin'ny fombam-bahiny mifanohitra amin'ny ny azy. Amin'izay fotoana izay mantsy ho lasa safiotra ihany koa ny kolontsaina, ka tsy mendrika ho lovain'ny taranaka any aoriana izany. Tsy azon'ny saina ekena ny fanamaivanana ny kolontsaina Malagasy amin'ny fomba fijery efa voasisika singantsingany an'ny vahiny ary takonana amin'ny hoe saina misokatra. Izany fomba fijery saropiaro amin'ny maha Malagasy tanteraka izay, no tsy mety mangina, ary tsy maty eritreritra, ka sahiran-tsaina amin'ny fihetsiky ny fitondrana ankehitriny. Misy ny fikasana samihafa hotanterahina eny amin'ny Rovani Manjakamiadana amin'ny hanarenana azy. Nambara tamin'izany ireo pitsopitsony kasaina hotanterahina eny amin'io toerana manana ny maha izy azy io, sy maha izy azy ny soatoavina mbamin'ny hasina tsy maintsy tandrova ao anatin'ny. Efa naneho ny heviny amin'izany ny avy amin'ny fikambanan'Andriana eto Madagasikara. Asa raha mba nihaino izany ny fitondram-panjakana. Ankoatra azy ireo dia misy ihany koa ireo olom-pirenena tsotra tena sorena ny amin'ny hampidirana zavatra tsy tokony hapetraka ao amin'io lapan'ny Mpanjaka io. Asa na nasiana fierana amin'ny olona mendrika hanontaniana izany na tsia, toy ny tetikasa kasaina tanterahina eny Ambohitrimanjaka. Ny toerana manana ny hasiny sy lanjany amin'ny Malagasy mila fitandremana fa mety hampisy fiantraikany indray eo amin'ny fifandraisan'ny fitondrana sy ny vahoaka, izay misy elanelana hatrany. Hoan'ny olom-pirenena sasany dia tokony ho hihazakazahan'ity fitondrana ity ihany koa ny fanadihana sy ny fikarohana ny satroboninahitry ny Mpanjaka Ranavalomanjaka. Toa odiana tsy hita na tsy ambara izany, kanefa tamin'ny andron'ny tetezamita no nahaverezan'izy io. Manana ny lanjany sy ny hasiny ihany koa izany eo amin'ny Malagasy sy ny firenena Malagasy manontolo, ka tsy tokony havelavela amin'izao fotsiny toy ny tsy nisy. Mandeha ila ihany ny fihetsiky ny fitondrana mihevitra ny hanarina ny Rovani Manjakamiadana sy io satroboninahitry ny Mpanjaka tsy hita io. Andrasana izay ho fihetsiky ny fitondrana ny amin'io raharaha io sy ny fikasany hanome lanja ny vakoka sy ny kolontsaina Malagasy.

Sôh'son



Ny avy amin'ny Monde Justice nitafa tamin'ny mpanao gazety tetsy Anosy.

ny zavatra tapaka nandritra ny fivoriana teny amin'ny CCI Ivato izay fampiananena nataony tamin'ny vahoaka Malagasy ny fikambanana. Efa nilaza tamin'ny fomba ofisialy ny Firenena Mikambana, fa nosy Malagasy ny lles

Eparses, hoy Arlette Ramaroson, filohan'ny Monde Justice eto Madagasikara, sady mpitsara iraisampirenena, fa tsy misy resaka fiaraha-mitantana ireo Nosy ireo ary ny Malagasy ihany no mandidy sy manapaka amin'ny za-

vatra rehetra tiana hatao eo hoy izy. Fa mikasika ny fakàna ny tanin'ny Malagasy indray toy ny eny Ambohitrimanjaka dia tsy hanaiky io velively izahay hoy James Ratsima sy ny solotenan'ny mponin'Ambohitrimanjaka. Ny antony, tanimbary mamokatra io, ao anaty velirano faha 9 n'ny filoha Rajoelina ny ady amin'ny tsy fanjarian-tsakafo, ka tsy tokony ho tofotana io. Eto izahay dia milaza hoy ny Monde Justice fa mila ho fantatry ny Malagasy ny lisitry ny tany alain'ny fanjakàna satria betsaka no efa tonga mitaraina amin'ity fikambanana ity ireo Malagasy very zo alaina aminy ny fananany manerana an'i Madagasikara.

Helisoa

Ny Valosoa sy hadihady

# Ny fampitana fahalalana mahomby indrindra dia ny tenindreny

I sika malagasy dia tsy gisitra amin'ny fahatsiarovana ireo andro iraisampirenena samihafa, iray amin'ireny ny rahampitso 21 Febroary natokana hanomezandanja ny tenindreny. Arak'izany anarany izany ny tenindreny dia ny teny ifampiresahan'ny reny amin'ny zanany, nanomboka tamin'ilay zaza vao naka toerana tao ambohoka sy nitombo tsikelikely tao ankibo mandrapahaterany, ary vao latsaka sy mandra-pibadabadany. Ho antsika malagasy amin'ny ankapobeny dia ny teny malagasy io, ilay tenindrazantsika izay ifaneraserantsika amin'ny andavanandro, ilay teny voajanahary ho an'ny zanaka malagasy.

Ny Unesco dia efa nanambara fa ny teny fampitana fahalalana mahomby indrindra dia ny tenindrazana, dia ilay teny nifampiresahan'ny reny tamin'ny zanany, voaporofa izany satria ireo manampahaizana sangany amin'ny fikarohana erantany dia nampianarina tamin'ny tenindreniny avokoa, na amerikana, na rosiana, na sinoa, na frantsay, na japone, sns... fa ny manampahaizana malagasy kosa, nobeazina tamin'ny teny frantsay, tsy mahagaga raha mijanona ho mpandika sy mpamerindesona hatrany.

Efa nampiharina teto amintsika ny fanagasiana ny fampianarana, kanefa dia natsahatra, ny antony natao izay tsy nampahomby ilay fanagasiana, satria tsy ampy ny teti-bola nanomezandanja azy, tsy lavorary ny fanofanana ny mpampianatra, tsy ampy ny fanontana boky sy tahirinkevitra, ny niafarany dia maty momoka ilay fanagasiana, dia nipi-kelika ireo fahava-lompirenena niteny hoe tsy nahomby ilay fanagasiana ary ankehitriny dia lelalelaina fa tsy misy toy ny "ecole d'expression française", dia roboka mifandromboka mandefa ny zanany mianatra any ny teratany Malagasy.

Eo amin'ny fiainana andavanandro indray dia mbola ny teny frantsay no teny ifandraisana amin'ny taratasa-panjakana sy any amin'ny ambaratongam-pahefana isankarazany. Tamin'ny fanendrena ireo mpi-kambana tao amin'ny fitondrampanjakana farany teo dia natolotra tamin'ny teny frantsay ny anaran'ireo minisitry, dedaka ery ilay tompon'andraiki-panjakana ambony mitanisa ny hoe: "sont nommés". Any amin'ny antenimiera roa tonta indray dia amin'ny teny frantsay ny antontankevitra avy any amin'ireo minisitry zaraina amin'ireo olomboafidy, kanefa ampahafirin'ireo olomboafidy no tena mahafehy ny teny frantsay, fantatr'ireo minisitry tsara izany, saingy mety amin'izy ireo izany, satria amin'izay ho vitsy ny fanontaniana, rehefa tonga ny fifanatrehan'ny mpanatanteraka sy mpanao lalàna.

Tamin'ny fihaonambempirenena nananganana ny Repoblika fahatelo, dia samy niady varotra mafy ireo mpizaika fa tsy maintsy ny teny malagasy no teny ofisialy, fa rehefa nanontaniana ireo mafana fo, ahoana ny teny enti-mampianatra dia gina tsy nisy sahy namaly ny eran'ny trano, satria samy mbola mihevitra fa ny teny frantsay ihany no azo antoka ahitana fahombiazana.

Raha nikitika ny lalampanorenan'ny Repoblika fahatelo ny Filoha Marc Ravalomanana tamin'ny taona 2007 dia voalaza mazava fa ny teny malagasy no te-

nimpirenena ofisialy, fa ny teny ampiasaina kosa dia ny teny malagasy sy anglisy ary frantsay, saingy rehefa nanao ny lalampanorenan'ny Repoblika fahatelo ny filoha ankehitriny dia nesorina tao ny teny anglisy ary mbola notazonina ny teny frantsay.

Ny baiboly dia efa tamin'ny 21 Jona 1835 no efa voadika tamin'ny teny malagasy, hankalazain'ny Fikambanana Mampielay Baiboly Malagasy (FMBM) miaraka amin'ny mpino kristiana rehetra ny faha-185 taona nandikana ny baiboly tamin'ny tenindrazantsika amin'ity taona 2020 ity. Aoka atao an-tsaina fa ny baiboly ankoatran'ny fanabeazana ara-tsoratra masina dia ahitana ireo taranja maro toy ny tantara, jeografia, filozofia, lalàna, fiarahamonina, toekarena, sns... Ireo rehetra ireo dia voasoratra amin'ny teny malagasy avokoa ao anaty baiboly, izay boky sarotra sy manandanja indrindra.

Ankehitriny mahazo laka tanteraka eo amin'ny fanabeazana ny "ecole d'expression française", tsikaritra rehefa tonga ny fetin'ny reny na fetin'ny ray dia faly ery ireo ray amandreny, fa manao tsianjery amin'ny teny vazaha ny ankizy, ankasitrahany ireo nahitany masoandro.

Satria amin'ny teny frantsay manontolo ny fampitana fahalalana dia ampianarina momba ny fahalalam-pomba ny ankizy, ny vokatr'izay dia mahazo isa ambony ilay ankizy amin'ny fanadinana, saingy tsapa hoe tsy dia mahalala fomba ilay zaza, sady tsy dia ampy ny fanajana, ny antony tsy tamin'ny tenindrazany ny nanovozany ilay fahalalana.

Eo amin'ny lafiny finoana indray, matoa ny maro an'isa amin'ny malagasy mifikitra amin'ny fivavahana kristiana dia satria voadika tamin'ny tenindrazana ny baiboly, ka tsara toerana any an-tsain'ny malagasy ny sekoly alahady, na katesizy nampianarina fony kely ary mbola mandalina ny baiboly hatramin'izao ny mpino kristiana.

Eto am-pamaranana dia hiverenana mikasika ilay fanagasiana nolazaina fa tsy nahomby, misy ny porofo azo tsapain-tazana, fa tamin'ireo ankizy nampianarina tamin'ny teny malagasy, dia nisy ireo namiratra indrindra teo amin'ny taranja siantifika ary mpampianatra vazaha iray tany andafy no niloa-bava hoe tena mahay fa tsy mpanao tsianjery maimbo, voaporofa izany ny fahamarinan'ny fanambaran'ny Unesco izay nanao hoe ny olona nahazo fahalalana tamin'ny tenindrazany dia mahomby kokoa eo amin'ny fandra-toampahaizana ary ireo mpikaroka momba ny teny dia samy manaiky, fa ny olona tsara fototra amin'ny tenindrazany dia mora mahay tenimpirenena hafa.

Koa amin'izao fanamarihana ny andro iraisampirenena ho an'ny tenindreny izao dia rariny raha mahatsiaro ny fanomezandanja ny tenindrazana nataon'ny Filoha Marc Ravalomanana, izay nanokana teti-bola nampandrosoana ny fanaovana ny raki-bolana sy hetsika maro nanehoana ny maha-malagasy, ny orin'asa notantan'ny Filoha Ravalomanana no sahy nirehareha voalohany amin'ny hoe vita Malagasy, fa tsy toy ireo bolokimbazaha, saribakolim-bazaha, nitondra taty aorianany.

**Ny Valosoa**

# ANTANANARIVO ATSIMONDRANO Notokanana tamin'ny fomba ofisialy ny Lycée Ampitatafika

« Lycée » Ampitatafika sekolim-panjakana ahitana trano efitra fianarana miisa 16, birao fiasana miisa 5, trano mpiambina misy efitra 2, trano fiovana sy fivoahana, « Parking Byciclette » ho an'ny mpianatra, « Estrade » fanaovana lampihazo, fahavitan'ny ampahanan'ny fehy tambohon'ny sekoly. Ireo no fotodrafitr'asa notokanana tamin'ny fomba ofisialy tao amin'ity kaominina ity. Tonga nanotrana ny lanonam-panjakana ireo tompon'andraikitra ny fanabeazana tao amin'ny Cisco Atsimondrano notronin'ireo olom-panjakana isan'ambaratongany notarihin'ny Ben'ny tanànan'ny Kaominina Ampitatafika Rado Ramparaoelina sy ny Solombavambahoaka voafidy tao amin'ny Distrikan'Atsimondrano Alain Ratsimbazafy, izay samy voafidy tamin'ny lisitry ny antoko Tiako i Madagasikara (TIM). Nilaza Andriamatoa Rakotomandimby Fanomezantsoa Richard, Proviseur ny « Lycée » Ampitatafika, fa ny fiarahamiasa teo amin'ny tompon'andraikitra ny Ministeran'ny Fanabeazana sy ny Kaominina Ampitatafika nandritra ny 10 taona niaraka amin'ireo O.N.G maro samihafa no nahafahana nanangana any izao foto-drafitr'asa lehibe izao. Nanohy nanazava ity tompon'andraikitra ny sekoly ity, fa laharana faha 32 amin'ny « Lycée » miisa 436 eto Madagasikara ny « Lycée » Ampitatafika eo amin'ny kalitaon'ny fampianarana sy ny hatsaran'ny foto-drafitr'asa. Mpampianatra miisa 42 no manodina an'ity sekoly ity miampy an'ireo mpandrahara miisa 20. Marihina fa ankoatran'ny fitokazanana ny sekoly dia nomarihina ihany koa ny fankalazana ny faha 10 taona nanorenana ny « Lycée » Ampitatafika.

**Franck Razakambelo**



Ny Lycée Ampitatafika notokanana.

## 70 NOVOKALAO

# FILOHA MASOANDRO INDRAY ?

Filoha masoandro indray no hisy ka dia efa miomàna. Ny masoandro mantsy izao no ankalazaina eto an-tanàna. Raha vao mihetsika dia io fa ny masoandro no indramina, Hanafenan'ny mpitondra izay rehetra tsy milamina.

Tetikasa tsy mazava, mbola tsy hay izay fivoarany, Nefa dia "tanamasoandro" no napetraka ho anarany. Ary angaha izany ihany fa ny kianja koa no lalina Indro raikitra ho "masoandro", ho masoandro sasak'alina ?

Ny masoandro ve izany no ho "masina" ivavahana ? Ampiasaina ho tampi-maso na koa vonjy iantorahana ? Ny "masoandro tena izy" dia tsy manam-pianganana, Fa tsy toy ny ankehitriny, atao fitaovam-pangalarana !

K'aza faly mindran-dava ny masoandro mpanafàna, Ho fanafanana ny lesoka, ry mpitondra fanjakana, Fa meteza ianao hijoro, ampiasao ny fahefana, Ho amin'ny tsara hatrany anefa fa tsy ho amin'ny hadalana!

**DADAN'i ZINA (18-02-20)**

## YLTP sy ny FES

# Nampifanatrika ny avy amin'ny fitondrana sy ny mpanohitra

Nampifanatrika ny avy amin'ny fitondrana sy ny avy amin'ny mpanohitra omaly, ny YLTP (Youth Leadership Training Program) sy ny FES (Friedrich Ebert Stiftung) : Fondation alemà miasa eto amintsika. Ady hevitra politika mahakasika ny veliranon'ny filoha Andy Rajoelina no niadian-kevitra tamin'izany herintaona aty aoriana. Nandray anjara tamin'ny ady hevitra i Rinah RAKOTOMANGA, talen'ny Serasera ao amin'ny Prezidansa, Alain ANDRIAMISEZA, Filoha

Lefitry ny RMDM, na ny Rodoben'ny Mpanohitra ho an'ny Demokrasia eto Madagasikara, nisolo ny toeran'i Fidèle Razara Pierre izy noho ny fandaninana, ary Hery RASON, Tale Mpanantateraka ny ONG Ivoary. Herintaona aty aoriana, raha dinihana sy fakafakaina dia mbola tsy misy tanteraka amin'ny ankapobeny ny veliranon'ny Filoha Rajoelina, ny fihetsiketsehana ivelany no be fa raha ny zava-bita dia azo lazaina ho aotra hatreto.

**Isambilo**



Ireo mpandray anjara tamin'ny ady hevitra nokarakarin'ny YLTP sy ny FES.

# An-tsary misongadina Ny Valosoa Vaovao Helisoa

Ny fianakavian'i Fafah Mahaleo mampitandrina ny mpanely tsaho.



Ilay jiolahy fototry ny korontana tany Ambilobe, nalefa any Tsiafahy.



## Sakafo Ny Valosoa



**Rona trondro maina sy ovy ary anamalaho** indray no laoka amin'ny Sakafo eto amin'ny gazetinao androany. Mbola mafana ny andro amin'izao fotoana, tsara noho izany raha laoka rony no hilaofana. Dia mazotoa homana tompoko.

## NY VALOSOA sy Mahasoa Fomba fanalana taza vetivety

Fomba fanalana taza vetivety indray no Mahasoa eto amin'ny gazetinao androany. Zavatra ilaina: rano mafana 1 kopy , tantely1 sotrokely , voasarimakirana tapany. Afangaro ireo. Manamboatra toy izany isaky ny adin'ny 2 mandritra ny 3 andro. Rehefa mahatsiaro fa salama alohan'izay dia hajanona ny fisetroana ilay karazana dite.



## NY VALOSOA sy Mahaliana Ny tanànan'i Daraina any amin'ny distrikan'i Vohemara, faritra Sava

Ny tanànan'i Daraina any amin'ny distrikan'i Vohemara, faritra Sava indray no Mahaliana eto amin'ny gazetinao androany. Renivohitry ny kaominina ambani-vohitr'i Daraina ity tanàna ity. 92 m eo ny haavony miohatra amin'ny ranomasina. Misy Daraina izay koa any amin'ny distrikan'Ambilobe, fa hafa ity any amin'ny distrikan'i Vohemara ity. Mpamboly sy mpiompy ny mpoina any an-toerana.



**NY TENY FIAINANA**

*I Timoty 3:5*

*Fa raha misy olona tsy mahay mitondra ny ankohonany, hataony ahoana no fitandrina ny fiangonan'Andriamanitra?,"*



**Mety handroso ihany ve i Madagasikara indray andro any sa tsia?**



gam-panjakana tarihan-dRajoelina ireto aloha tsy hahavita velively an' izany.

**Iandry Roger** : samia mampandroso ny fiainany. Zay no tokony hiadina mafy.

**Liv Ar-John** : handroso tsika fa calme, rehefa miala eo ny fitondrana Rajoelina izay mpandainga sy mpanitaka io.

**Rakotoniaina Frederic** : raha ny 90 % toetsaina malagasy dia tsy handroso zany io na asiana menaka aza.

**Roma Mamy** : mbola ho ela, rehefa misy zavatra 1 made in Madagasikara mampalaza antsika sy hidiram-bola betsaka dia zay no debut.

**Fenohasina Misandratra Andriambolamasoandro** : mbola ho ela ahoana ary, tsika ary amin'izao efa mandroso koa... Mandroso mihemotra e! hihihiiiiiii!

**Andrisoa Judicael Anjaramalalantiana** : ra ny zavamisy izay ampiainana antsika eto aloha dia tsy mampino izany atao fandrosoana izany na ho iza na ho iza no hitantana ny raharahambaoka eto e!

**Cyprien Tombo** : tsy handroso mihitsy ity raha mbola tsy mahaleotena aratsakafo, raha tsy misy ny fananganana orinasa mamokatra zavatra ilain'ny firenena lehibe, raha mangataka lava am mpamatsy vola sy raha mbola saribakolin'ny firenena-dehibe ny mpitondra. Ohatra sakafo no olanao dia kianja no omeny. Ny mpitondra tarihan-dRajoelina koa tsy mahay izay laharam-pahamehany, Mahamasina andaniana volabe, nefa ny any Atsimo amin'izao mamefy ny kere.

**Noé Al Dadah** : ny vahoaka no erany, tsy misy mpitondra ahavita miracles zany raha tsy ny olompirenena no vonona handroso sy mahatsiaro tena ho tompon'andraikitra .

**Mamy Seheny** : raha tiana handroso ny firenena iray indrindra fa i Madagascar dia tsotra, hajao aloha ny mahagasy ny gasy! avereno ny fahendrena malagasy, ary ny mba saropiaro am' kolontsaina sy ny soatoavinalary ny farany ALAVIRO NY MPANJANAKA! ireo no fototra tsy mampandroso antsika! Ny fitondrana Rajoelina anefa saribakolim-bazaha.

**Onjanirina Patricio** : raha misy filoha tsy mitokana zava bita sy tsy tia eboebo fa manahak n filoh n firenen haf ary ts tia ady an trano eo @ sam malags de handroso izy.

**Fanomezantsoa Hariniaina** : raha mbola io toe-tsaina Tia kely sy mpanararao-pahefana io no tsy afaka dia manofinofisa ihany ny @ izany.

**Noé Al Dadah** : ny vahoaka no erany, tsy misy mpitondra ahavita miracles zany raha tsy ny olompirenena no vonona handroso sy mahatsiaro tena ho tompon'andraikitra .

**Andre Maro** : sarotra @ ny handroso satria mihemotra foana ny diany. Manao diam-poza orana isika, mihemotra mankany amin'ny farany gisitrahany ny fitondrana Rajoelina.

**Ando Hasiniaina** : NY FANDROSO-ANA samy manana ny famaritany. raha harena sy filaminana ary fahasalamana no hamaritantsika azy dia TSIA no valiny. Tsy misy afaka manohitra io satria efa faminiana anaty Soratra Masina, fa miharatsy izao fiainana izao. Ny anatra ho antsika hendry, fampahafantarana ho an'izay maditra dia ny 1 Korintiana 15:19.

**Maria Joselle Rajerison** : manana fi-noana fa zanahary io tsy mijery ambony fa mijery amban, tsy maintsy ho tafita foana Gasikara ra tsy eo intsony ny mpamita-bahoaka sy mpamotry firenena dia ry Rajoelina sy ny forongony.

**Pasteur Mamy** : MBL SAROTRA BE, SATRI TSIKA VAHOAKA MBL TSY MAHAZAKA FIOVANA ZANY FA TE HIJANONA AMZAO IANY, REFA HAN-DROSO MITSY DE MILA MIALA EO AM TOERANA MAHAZATRA IRAY ENAO, DIKAN ZAY MIS ZVT BEDABE TS MAITSY ESORINA SY RAVAINA ARY SOLOINA VAOVAO, MBL NOFY NY FANDROSOANA RAHA NY ETO, MBL TS ZAKAN SAIN GASY ZANY.

**Yvon Rasolo** : @ 2065 any ho any vao handroso. Tamin'ny fitondrana Ravalomanana no efa saika handroso fa narodan'ny mpanongam-panjakana no tarihan'i Andry Rajoelina.


**Bosco Ramilaza** : efa manomboka izao satria efa ampianarina miampita amin'ny arabe sy mandeha amin'ny trottoir isika amin'izao. Raha mitohy tsikelikely izany, mety handroso.

**Marie Claire Andriamanankoa** : corruption no foanana dia dingana iray izay aloha mandeha amin'ny fampandrosoana. Fa ireto mpitondra mpanon-

**FAFAH MAHALEO**

**Nivoaka tamin'ny fahanginany ny fianakaviany**

Misy tokoa ny fotoana hanginana, misy ny fotoana hitenenana, ny fotoana hisaonana, na mbola aza ny alahelo. Koa eto dia nivoaka amin'ny fahanginana ny fianakaviana akaiky ilay mpanakanto nandao antsika 4 volana lasa izay, dia i Fafah Mahaleo, fantadaza teo amin'ny feo mangany. Mampitandrina ireo olona vitsy manely tsaho sy misandoka sy miseho mahalala ny fiainany manokana mihoatra nohon'ny tompon-kavana izahay hoy ny fanambarana, na amin'ny fomba ankolaka na mivantana, mba hanaja ny Vady sy Ray, Raibe, malalanay, ary indrindra ihany koa ireo ankohonana navelany. Eto dia mitodika manokana ho an'ireo mpanakafy ny kantony sy ny toe-



*Ny sasany amin'ny fianakavian'i Fafah Mahaleo.*

tra tsotra loatra nananany, sy tsy mba nanam-pahavalao, mba tsy ihinana ambolony ny resaka sy sera-sera ataon'ny sakaiza manody vitsy dia vitsy manararaotra ny tsy maha eo azy intsony. Ary farany dia hamafisin'ny fianakaviany fatratra, fa ny vady andefimandrin'ny TOKANA, dia teo anilany andro sy alina maro nitsabo sy na-

nao izay tratry ny ainy satria sady mpitsabo raha-teo, ny zanany rehetra na teto an-toerana na ny tany ampita, ny fianakaviana manontolo, ny tarika nisy azy, ireo namana tena namana na teto na tany ivelany tsy nanadino izay mbola isaorana feno hoy izy ireo.

*Ny Valosoa*

**Fanjakana Saoudianina**

**Nanolotra fanampiana ara-tsakafo miisa 2500 baoritra ho an'ny traboina**

«Cartons» na baoritra miisa 2500 feno sakafo, ka ny « Cartons » iray milanja 20 kg ahitana vary 5kg ; tsaramaso 5 kg; Menaka 1 Litatra; Siramamy 1kg; Sardine 3. Ireo no fanampiana andiany voalohany naterin'ireo Delegasionina avy amin'ny « Centre de secur Humanitaire Saoudien », avy amin'ny Fanjakana any Arabia Saoudita, ho an'ny Bngrc (Bureau National pour la Gestion de Risque et Catastrophe), tetsy Antanimora ny talata maraina lasa teo. Nilaza Andriamatoa Evariste Lucien solontenan'ny Delegasionina avy any Arabia Saoudita, fa ny famaliana ny fangataha nataon'ny Fanjakana Malagasy, hiarahiantana amin'ny fanampiana ireo tra-boina eto Madagasikara no anton'ny fanomezana. Naho ny nanazava ity mpiasan'ny Masoivohon'i Madagasikara any Arabia Saoudita ity, fa vokatry ny fiaraha-miasa teo amin'ny Masoivohon'i Madagasikara any Riyad Arabia Saoudite, sy ny Mpanjakan'i Arabia Saoudita 'Salman Bin Abdulaziz, sy ny Printsy Mohamed Bin Salman, no nahatonga an'ireto



*Ireo fanampiana ho an'ny traboina avy amin'ny fanjakana any Arabia Saoudita.*

fana-mpiana ireto eto Madagasikara. Naho ny nanazava Andriamatoa Evariste Lucien, fa mbola andiany voalohany ihany ity fanampiana ara-tsakafo nomena ny tra-boina ity, fa mbola misy « Cartons » miisa 17 500 no ho tonga eto Madagasikara, hana-mpy an'ireo izay efa nozaraina. Naho ny nanaza-va ity mpiasan'ny Masoivoho Malagasy any Arabia Saoudita ity, fa ho tsinjara andiany 8 ny fanaterana an'ireo fanampiana ireo ao amin'ny Bngrc mandritra ny 4 volana. Nilaza kosa anefa ny Jeneraly de Brigade Rama-

nantsoa Gabriel tompon'andraikitra iray ao amin'ny Bngrc, fa miisa 1171 ireo olona tra-boina any amin'ny Distrikan'i Mahanoro vokatry ny fanadalovan'ny andro ratsy Francisco ary efa tafapetraka avokoa hoy ity tompon'andraikitra ity ireo « Response d'urgence » any an-toerana, ho fangonena sy fanampiana ny mponina amin'ny famindran-toerana vokatry ny fiakan'ny rano. Miara-miasa amin'ny tafika sy ny tompon'andraiki-panjakana ny any an-toerana.

*Franck Razakambelo*

**Aiza ny fanjakana hoy ny mponina?**

**Tafakatra 4000 Ar ny rano iray bidon any Ambovombe Androy**

Raha toa ka vidiana 200 ariary ny rano iray bidon mavo any amin'ny renivohitr'Ambovombe Androy teo aloha, dia lasa 600 ariary izany ankehitriny. Ny any amin'ny kaominina manodidina moa dia vidiana 2000 hatramin'ny 4000 ariary mihitsy ny iray bidon . Mitaraina ny mponina hoe aiza ny fanjakana tsy mijery ny olan'ny mponina aty Ambovombe Androy? Misy fiantraikany amin'ny biby fiompy ihany koa mantsy ity tsy faham-

pian-drano ity. Mitaraina ihany koa ny solombavambahoaka any an-toerana mba hijeren'ny fanjakana faran'izay haingana iny faritra iny, fa tsy ny aty an-drenivohitra ihany akory no malagasy . Aiza hoy izy ireo ny fanambo-arana ny foto-drafitrasa miainga avy any amin'ny reniranon'i Mandrare mihazo ny tanàna amin'ny famatsiana rano haingana ny mponina, izay efa vana napetraky ny fanjakana. Misy mihitsy aza olona

efa any amin'ny 20 km vao mahazo rano ho sotroina. Raha nahatratra 10 barika ny rano azo avy amin'ny vovo teo aloha, dia zara raha mahazo rano iray barika sisa ankehitriny. Tsy ny olona iha-ny no misedra olana, fa lasibatra koa ny biby fiompy. Andrasana arak' izany izay vaha-olana haingana arosan'ny fanjakana Malagasy, fa mijaly ny mponina any atsimo.

*Ny Valosoa*

ANNIE FARAONY

Mivoy ny gadon-kira batrelaky

Batrelaky, gadona sy fomba fandihy nentim-paharazana mampivavaka ny tapany atsimo atsinanan'ny Nosy. lo no ezahan'i Annie Faraony havoitra sy hasandratra anatin'ny sangana-sany. Mampivavaka ny batrelaky lalaovin'i Annie Faraony ny fampiasana mandrakariva ny taralila na gorodona (angorodao) anatin' ireo vazony. Ezahana hatrany ny hitazonana ilay batrelaky nentim-paharazana, hoy i Annie Faraony noho izy ireny mirakitra soatoavina sy fomba amampianao mampivavaka ny faritra atsimo atsinanana toa an'i Manakara sy Mahabako..



Annie Faraony, mivoy ny Batrelaky ho fampitana hafatra sy filana voly.

Mampita hafatra

Voizin'ity mpanakanto ity anatin'ireo hirany ihany koa ny filazana ny maha zava-dehibe ny fisian'ny zotran-dalamby FCE (Fianarantsoa-Côte Est). Antoky ny fivelarana ara-

toe-karena any amin'ny faritr'i Manakara iny, amin'ny famoahana ireo vokatra tahaka ny akondro, letisia, kafe, sns... ny fisian'ity fiaradalamby ity,

hoy i Annie Faraony koa rariny sy hitsiny raha resahana amin'ny fomba kanto ny tokony hijeren' ireo tomponandraikitra ny tokony hanatsarana izany


(fanavaozana ny lohamasinina), ity farany izay efa tena konkan'ny taona tokoa. Hira voalohany no-jarian'i Annie Faraony ny "Mahabako", anaran-tanana niaviany. Vohitra miala 24 km an'i Manakara. Ventesiny anatin'ity sanagansany ity ny maha kanto an'i Mahabako sy ireo otrikarena ananany. Tsy ny lafiny toekarena ihany no mampalaza an'i Mahabako, fa maro ihany koa ireo toerana manantantara ahafahana mananteraka fizahantany any an-toerana. Olana hatrany anefa ny faharatsian'ny lalana. Andalana ho amin'ny fiketrehana ilay vazony vaovao "Mifankatiava", voarindra amin'ny gadona zouk love ankehitriny i Annie Faraony. Mpanakanto sady manala voly no mpampita hafatra. I Pierrot Matatana no mpandrindra ireo vazony an'i Annie Faraony sady miantsoaka ny lafiny fandraisam-peo.

Lalaso R.

Finoana

Fjkm Tranovato Rasalama Maritiora Ambohipotsy : Manohana azy ny taranany

Tonga marobe namaly antso natao ho azy ny taranaky ny fiangonana Fjkm Tranovato Rasalama Maritiora Ambohipotsy. Ny Alahady lasa teo dia niisa hatrany amin'ny 1350 izy ireo no niaraniombom-bavaka nidera sy nisaotra an'Andriamanitra, nandritry ny "Andron'ny Taranaka", izay fanaon'ny Fiangonana isan-taona. Nahatratra hatrany amin'ny 13 tapitrisa ariary ny vola voaangona tamin'izany, ary tratra ny tanjona, hoy ny Mpitandrina ao an-toerana, Ramanantsoa Andriamihaja Tiana Dani. Maro ny asa miandry ny Fiangonana amin'izao fotoana izao, na anatin'ny, na ivelany. Ny anatin'ny dia efa vita ny ampahany lehibe amin'ny fananganana ny Akanin'ny fiangonana, fa mbola misy anefa ny tohin'ny asa amin'izany. Ny ivelany,



Ny fiangonana FJKM eny Ambohipotsy.

anakoatra ny asa fanore-nana trano fiangonana tany Ankijanomadiro izay notokanana tamin'ny novambra tamin'ny taondasa, dia efa misy sahady ihany koa ankehitriny toerana roa natolotra izay halamin'ny fiangonana ny

fandaharam-potoana hanaovany ny asa Fitoriana Filazantsara sy Tafika Masina mialoha ny hanore-nana trano fiangonana amin'ireo toerana ireo. Any Vohipeno sy Bekily ireo toerana ireo. Mazava loatra, fa mitondra anjara

biriky lehibe ao anatin'ireo asa lehibe tanterahiny ireo ny taranaky ny fiangonana Fjkm Tranovato Rasalama Maritiora Ambohipotsy. Santionany amin'izany ny nataony tamin'ny alahady lasa teo iny.

Radafy

Fambolen-kazon'ny AFF Foibe Fjkm

Hanatanteraka fambolena-kazo ny Sabotsy izao

Velaran-tany 15 ha ao Andranonahoatra, kaominina Ambohitromby distrikan'Ankazobe, faritra Analamanga, no hanatanterahan'ny AFF (Asa Fitoriana Filazantsara ) foibe Fjkm, fambolena-kazo ny Sabotsy 22 febroary 2020 ho avy izao. Karazan-kazo toy ny kesika, kininina, sns... no ho vo-

lena any an-toerana. Efa vonona ny lavaka miisa 2000 hanatanterahana ny fambolena any Andranonahoatra, 23 km avy aty Antananarivo raha andeha ho any Ankazobe amin'ny lalam-pirenena faha-4 iny. Tonga nijery ny fizotry ny asa teny an-toerana ny talata lasa teo ny mpitandrina, Ravelo-

nanosy Maminina, izay anisan'ny tompon'andraikitra amin'izany. Mitohy ny fanentanany ny foibe Fjkm amin'ny mpino kristinina tsy ankanavaka amin'izany fambolena-kazo izany ny Sabotsy izao. Misy ny fiara iombonana miainga eny Analakely amin'io Sabotsy io ho an'izay tsy manana fiara

manokana ho any Ankazobe. Vinan'ny Fjkm ny ho famontosana filazantsara ny nosy Madagasikara, fa vina ihany koa ny tontolo maitsy ho lovain'ny taranaka fara-mandimby amin'ny fiarovana ny tontolo iainana.

Rajo

Vehivavy saika maty sy namoy fo Nanolotra voady teny amin'i Jessica

Raha toa ka maro ireo sahy nijoro vavolombelona, nahita fahasovana teny amin'i Jessica, mpanotra 03387 395 41, eny Mandrosoa Ivato, toy ireo nilaza fa tsy nahazo zaza tao anatin'ny taona maro, fa rehefa nokarakarin'ity mpitsabo ity dia nahazo zaza soamantsara, ireo vehivavy nilaza fa saika nariam-badiny fa momba tsy miteraka, nefa rehefa nokarakarina dia niteraka sady nilamina ihany koa ny tokantrany. Ireo vehivavy afa-jaza lava satria tratry ny mosavy sy ny vorika, fa vao nokarakarin'ity mpitsabo ity ihany koa dia sitrana sy nahazo zaza, ary ny tena nahazendana ny maro dia vehivavy maromaro no sahy nijoro vavolombelona fa tsy niteraka tao anatin'ny taona maro nefa dia nahazo zaza indray, fa mbola tao koa ireo malemy tsy tafatsangana mihitsy, fa nokarakarina dia sitrana sy afaka nandeha soa amantsara, tao koa aza ireo vehivavy nilaza fa saro-piterahana sy marary foana rehefa bevohoka fa rehefa nokarakarina dia tomady sy niteraka ihany koa. Samy niaiky izy ireo fa ny fikarakaran'ity mpitsabo ity no nahavelona sy nahavanona azy rehetra, ary saika maty sy namoy fianakaviana mihitsy raha tsy voakaraka teny aminy. Tao aza ireo mbola saika haka fanefitra mihitsy, saingy namberan'ity mpitsabo ity fa azo antoka tsy misy atahorana intsony izay mahazo fikarakarana ao aminy. Sady nisaotra, no nanolotra fanomezana ho an'ity mpitsabo ity ireto vehivavy maro ireto satria raha tsy tao aminy dia tao ny namoy aina, ny leo monina, ny resy tondromolotra, ny lany volabe sns...ka nahavonjy sy nanavotra azy ireo ny fikarakaran'ity mpitsabo ity. Nanamafy moa ity mpitsabo ity fa tsy sandaina volabe ny fitsaboana, saingy mahatsapa ny olona fa fahasovana no raisiny, ka izay foiny no omeny azy. Namberany ihany koa fa mitohy ny fikarakarana amin'ity taona 2020 ity satria efa natao hikarakara sy hanompo ny olona mila fahasovana i Jessica eny Mandrosoa Ivato.

Namana

Ahiana ny korontana any Antsiranana Zaza tratra nangalatra, maty nisy nitoto tamin'ny vato ny lohany

Nisy sahotaka sy sakoroka tao amin'ny tsena, tao Antsiranana omaly alarobia maraina, noho ny zaza avy any amin'ny "Cité Ouvrière" nangalatra tao an-tsena, ka nisy nahatratra. Teo dia nisy nidaroka sy nitoto vato ny lohany talohan'ny nitondran'olona azy tany amin'ny hopitaly. Indrisy, tsy tana intsony ny ainy fa maty ilay zaza. Atahorana sao hisy hanao valifaty ny fianakavian'ity ankizy maty ity. Marihina araka ny vaovao voaray, fa zanaka mpiavy ao Antsiranana io zaza io. Tsy mbola fantatra tsara ny zavatra nangalarin'ity zaza ity raha ny vaovao azo. Rakotra mpitandro filaminana ny ao Tanambao tsena noho izany. Arahantsika eo ihany ny ho tohin'ity raharaha ity.

Stefa



Mihàtrana ny mpitandro filaminana any Antsiranana.



# An-tsary misongadina Ny Valosoa Vaovao

Helisoa, Njaka

Ny Monde justice nitafa tamin'ny mpanao gazety tetsy Anosy.



**FANASANA**



Alarobia 26  
2020 Febroary

**FIHAONAMBEN'NY TOMPON'ANDRAIKITRY  
NY ANTOKO TIAKO I MADAGASIKARA.**

**TIM FOREVER**  
TEAM DYNAMIC